



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 4. An oritur obligatio restituendi ex damno dato per culpam juridicam in
officio, vel extra illud, commissam?

urn:nbn:de:hbz:466:1-40993

Q. 4. *An oritur obligatio restituendi ex damno
dato per culpam juridicam in officio, vel
extra illud, commissam?*

Not. Culpa duplex distinguitur, Theologica, & juridica seu civilis. Culpa Theologica est peccatum imputabile, sive mortale, sive veniale: culpa juridica est omissio diligentiae debitae ad cognoscendum, vel cendum, vel faciendum, vel providendum, ex qua sequitur damnum, sive illa omissio sit peccatum, sive non, de hac sola hic agitur; & triplex est, lata, levis, & levissima. Culpa lata est omissio diligentiae, quam passim in rebus ejusmodi propriis adhibere solent homines diligentes ejusdem conditionis. Levis, est omissio diligentiae, quam adhibere solent diligentes, & prudentiores ejusdem conditionis. Levissima, est omissio diligentiae, quam soli diligentissimi, & prudentissimi adhibent: ut si quis, v. g. librum sibi commodatum relinquat ante ostium domus, & amittatur, tunc censetur amisisse per culpam latam: si reliquit in cubiculo suo, non obsecrato ostio, erit culpa levis: si ostium obsecravit, sed non advertit an esset bene obseratum, est levissima.

Resp. I. Ex communis sent. extra officium, & contractum non oritur obligatio restituendi damni secuti ex culpa levi, & levissima: quia citra contractum, & officium nemo tenetur majorem diligentiam adhibere in suis operibus ne alteri noceat, quam in similibus casibus

G. 4

adhi-

adhibere solent homines ejusdem conditionis diligentiores, ac prudentes: nemo enim tenetur esse diligentior, ac prudentior cæteris hominibus diligentibus, & prudentibus ejusdem conditionis, nisi ad id specialiter se obligârit: constat tamen, inquit *Lessius*, esse obligationem restituendi damnum secutum ex culpa lata, nisi constet illam esse prorsus inculpabilem: quia quisque ex justitia tenetur, ne alteri noceat, adhiberet in actionibus suis eam diligentiam, quam adhibere solent in ejusmodi actionibus homines ejus conditionis diligentiores, ac prudentes; nam quisque jus habet ne sine iusta causa, & auctoritate sibi inferatur damnum: ergo si non adhibet, non facit id, ad quod tenetur ex Justitia, & sic damnum inde secutum censetur ei voluntarium, & meritò imputatur, ac proinde illud tenetur resarcire.

Resp. II. Per se loquendo nemo tenetur in conscientia ad restitutionem propter culpam levem, vel levissimam in officio, vel arte commissam, sed tantum propter latam: *Est communis, aut ferè communis:* quia nemo tenetur in officio, vel professione sua adhibere maiorem diligentiam, & providentiam, quam soleant adhibere diligentiores, & prudentes eiusdem professionis: nam nec gravius onus quis vult sibi imponere, dum officium suscipit, vel artem exercet, nec *Resp.* plus ab ipso exigit.

Hinc Advocatus, v. g. qui bona fide præstitat id quod diligentiores, & periti Advocati in similibus

milibus causis præstare solent, non tenetur ad restitutionem, si causâ cadat, eò quod non præstiterit id, quod diligentissimus præstitisset. Idem dic de Judice, Magistratu, Medico, Architecto, &c.

Dixi, *per se loquendo*, nam si quis profiteatur se diligentiores, & peritiorem aliis, aut diligentissimum, & sic eos qui tales quærunt, ad se pertrahat; iste tenetur adhibere maiorem, aut etiam maximam diligentiam, & prudentiam: quia id promisit, & ad id se obligavit saltem implicitè: unde tenetur resarcire totum damnum ex levi, vel etiam ex levissimâ culpâ secutum, cùm non adhibendo maiorem, vel maximam diligentiam peccaverit graviter in re gravi contra pactum saltem implicitum, ideoque gravem iniuriam fecerit.

Porro culpa, quæ dicitur lata in iis, qui officium vel artem exercent, censeretur levis in aliis privatis: unde illi dici possunt teneri de culpâ levi comparatè ad alios, qui non tenetur ex officio vel pacto, cùm debeant maiorem diligentiam adhibere, quam si nihil commodi perciperent, vel non ex officio facerent.

Resp. III. Qui præbet consilium in rebus ad suum officium, vel artem pertinentibus, tenetur ad restitutionem ratione culpæ latæ: quia ex officio tenetur in consilio dando adhibere eam diligentiam, & prudentiam, quam adhibere solent in similibus casibus homines diligentiores eiusdem professionis: ergo si non ad-

G §

hibet,

hibet, peccat contra iustitiam; ideoque tene-
tur ad restitutionem damni ex hac culpa secu-
ti: item tenetur ratione ignorantiae, quia ta-
lis ex officio tenebatur hoc scire, & in respon-
so vitare errorem ex quo damnum fecutum
est; unde meritò censetur causa iniusta dam-
ni fecuti. Et utrumque patet, ex cap. ult. de
injur.

Non tenetur tamen ad restitutionem, qui
consultus aperit bonâ fide duntaxat opinio-
nem suam, dicendo ita sibi videri, nec suadend-
do, ut alter faciat; & à fortiori, si indicet se
dubitare: nam tunc, si alter sequatur, suæ im-
prudentiae damnum adscribere debet, modò
consultus non habeatur à consulente, peritior,
ac prudentior, quam revera sit. Imò si des-
consilium in rebus, quæ ad tuum officium
non spectant, & quarum parùm peritus es, &
alter sciens tuam imperitiam, consilium tuum
sequatur, non teneris de damno inde secuto:
nam damnum illud sibi imputare debet, &
scienti, ac volenti non fit iniuria. Sitamen
agitur de damno tertii, ut si suadeas alteri con-
tractum iniustum, velut non restituat, peccas
graviter in re gravi, & teneris illi tertio: nam
illi tertio, & quidem invito damnum infer tuo
malo consilio. Nec obstat, quod veritatem
inculpatè ignorares; quia nihilominus im-
prudenter agis: nemo enim nisi imprudenter
miseret se consiliis dandis in rebus, quas non
intelligit, & sciens, ac volens exponit se peri-
culo

riculo errandi cum damno tertii, quod proinde ei sufficienter est voluntarium, meritóque imputatur. Ita ferè *Lessius*.

Porrò hæc Regula juris 62. in 6. *Nullus ex consilio dummodo fraudulentum non fuerit, obligatur*, intelligitur solum de eo, qui bona fide dat consilium in rebus ad suum officium non pertinentibus, & qui ratione sui muneris, aut statū peritiam non profitetur, vel nomine fraudis intelligitur culpa lata, quæ ei æquiparatur in Jure.

Q. 5. *Ex qua culpa juridica in contractibus oritur obligatio restituendi?*

Resp. I. Si contractus cedat in utilitatem solius accipientis, ut in commodato, accipiens tenetur ad restitutionem, si res aliena pereat, vel deterior fiat ex culpa etiam levi, & levissima. At non tenetur, si fecit id, quod diligentissimi, ac prudentissimi in simili re propria conservanda facere solent. Constat, ex l. 18. ff. *Commmod.* & ex *Instit.* lib. 3. tit. 15. & ex cap. 1. de *Commmod.* Ratio dispositionis Juris est, quia æquitas naturalis postulat, ut is, qui gratis utitur re alterius in suam tantum utilitatem, maximam diligentiam adhibeat, ne pereat, vel deterior fiat. Excipitur precarium, in quo accipiens tenetur solum ex dolo, vel culpa lata, l. 8. ff. de *Precario*. eò quod res concessa precariò potest à Domino quovis tempore revocari, non autem res commoda;

quare